


五十年

GENYUO LIBRARY



温州市图书馆

WENZHOU LIBRARY

00711



温州市图书馆


WENZHOU LIBRARY

00711



温州市图书馆

WENZHOU LIBRARY




温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

在
依
子
日
三
六
心
系
青
山
一
水
一
行
一
行
一
行



温州市图书馆

WENZHOU LIBRARY

旅者矣季孫請魯視邾滕濤塗恐師出周鄭抑
爲是也公盡事君之心且曰從人之欲萬斯箱
之粟茲乃如京百執事之人於我乎館四封之
境二爲帝庭一郡之賦再粒天下士卒林會襄
牛谷量皆投足獲安端拱取給無虞燥濕不長
寇盜草莽之中用能使其體羈紲之外無所勞
其力天朝中貴持權用事厚爲之禮則生我以
毛小不如意則成是貝錦公享有常牢朝無私
幣冒貨賄者我以爲仇淫芻蕘者吾所
御至

於七宣忠告異

切或

師嘉疏

之

黃果非十月二日一陸子符一

旋踵若取諸懷又不知其備預之所以然也讀
籛牢竭矣而家有餘糧謂罷勞甚矣而人有餘
力豈非積年之儲用之有度終身之逸使之有
時不然班貢藝事輕重以列我視子男之國而
倍公侯之征今日之事我爲上也大駕還都分
遣中丞蔣欽緒御史劉日政宋珣等巡按皆嘉
公之能奏課第一公未受賞朝而歸藩天災流
行河水決溢蝗蟲避境雖馬援之化能然洪水
滔天固帝堯之時且爾高岸萃以雲斷平郊豁

其地裂噴薄雷吼冲融天迴百姓巢居泉客有
其家室五稼波殄沼毛荒於畎畝公急人之虞
分帝之憂御衣假寐對案輟食不候駕而星邁
不入門而雨行議隄防也至則平板榦具糗糧
揆形畧趾量功命日而赤岸成谷白濤亘山雖
有吕梁之人盡下淇園之竹無能爲也乃有壞
防之餘衝波且盡僅在而危同累卵將墜而間
不容髮公暴露其上爲人請命風伯屏氣以遷
跡陽侯整波而退舍又王尊至誠未足加也然

後一 岳建塞長久之費重

敢 觀

口才之愚而免之
二
三
四
五
六
七
八
九
十
十一
十二
十三
十四
十五
十六
十七
十八
十九
二十

息不歸遠廬情者發憤以躒勤懦者自疆以齊
壯成之不日金隄峩峩下截重泉上可方軌北
河迴其竹箭東郡鬱爲桑田先是朝廷除公宣
州刺史公惜九仞之垂成恐衆心之或怠懷絲
綸之詔密金玉之音率負薪而益勤親執撲而
彌勵旣成乃發書示之皆捨畚攀轅廢歌成泣
淚而濟袂澤陰魯郊哀哀號呼不崇朝而達四
境嘻公之視人也如子人之去公也如父宜其
升聞於天司我五教公之富人也以簡簡則不

擾而人得肆其業非富歟公之愛吏也以嚴嚴
則畏威而吏不陷於罪非愛歟是其大旨也至
若沛郡謂爲神明淮陽謝其清淨尊經於學校
魯風載儒加信於兒童齊人不詐明閑視聽其
察姦也無全曉習文法於決事乎何有六義之
製文在於斯五車之書學半於我其爲身計保
乎忠貞將爲孫謀賜以清白熊軾之貴子弟夷
於平人龍門則高賓客不遺下士非禮不動出
言有章語曰愷悌君子人之父母其是之謂乎

佳也不才嘗滿官屬
丁
大

矢之維能言之况夫婦思若成風耆艾人吏願頌清德者道路如市則王襄
所講奚斯之頌美政盛德綴詞之士固未嘗闕
如也維敢拒之哉頌曰童子何知兮公邁成人
大不必佳兮公德日新天生德於公兮遺此下
民天子命我兮守茲東郡人謂公以謫去兮不
能致訓公曾不私已兮政聲益振惟歲十月兮
帝封岱宗千乘萬騎兮行幸山東小郡之賦兮
再粒萬邦豐不盈儉不陋兮公之舉也得中河
爲不道兮離常流以痛毒不用一牲兮不沈一

玉身當中流兮馮夷感而避賢勅陽侯兮使却
走夫洪漣板築旣具兮薪又屬庶人欣以就役
兮高岸掘起於深谷人降丘宅土兮桑田鬱以
載綠行無五馬兮食不載味惠恤鰥寡兮威讜
黠吏公之德兮曾無與二人思遺愛兮淚淫淫
歲久不衰兮至今性與天道吾不得聞兮誌其
小者近者兮已是過人之德音

京兆尹張公德政碑

并序

雲從龍風從虎氣應也聖人作賢人輔德同也
君臣同德天地通氣以康九有以遂百司

御極二十載光格四表至于海隅
邦蠻貊師長罔不欽于成憲以承天休然天子
猶日省三揖列辟曰聽萬方輿頌懼人有未化
賢有未登明敷及陋兼乎十等選宗室及乎九
族任事以觀材積時以觀行乃得我賢京兆焉
夫京兆號爲難理清靜病於不給刀筆拘於守
文或以軟弱廢或以賊殺劾把宿負淺爲丈夫
用鉤距蓋非長者我則異於是大道難名大理
無法閉關於任數巧筭不能知堅壁於畫一善
政不能下摧宿豪如薙草無愠色視大權如歷

塊無傲容百司之務揔以竒而得正五方之人
雜異教而同理受命之始先聲已振黠吏惡少
聞風改行及乎鳴騶詣府登堂坐定縣尹掾史
以次上謁守正之人其氣高含章之人其詞大
見容色而聞號令小人戚而君子泰日者櫟陽
男子閭里爲豪借客報仇聚人爲盜或白日手
刃或黃塵袖鎚政寬則以身先諸偷操急則以
事中長吏貳過不已萬計自脫公命吏縛之立
死領下於是人入閭室若遇大賓焉前年不登
人頽太甚野無遺棄路有妾骨天子不正公

不粒賦方無衣六軍從衛以臨身言侯志也帝曰咨天其降威人罔畏罪台恐寇益乃邑矧曰蕩析離居惟爾克濟撫茲方夏公拜稽首思塞休命布慈惠之政不以利淫振雷霆之威其或宥過饗人減雙雞之膳圉人省五馬之秣陶不獻服巧不填館自身已往振廩同食雖人煙不動道殣相望不思濫以苟生咸守教以就死是不可能也先是王公或專南山之利司農涸昆明之池收岸澤將爲田以便官至是悉奏罷之舟鮫衡麓之守廢蒲荷薪蒸之產入自郊

徂邑室有魚殮斬陰伐陽市多山木人得以贍
唯涇有防比歲多決近縣疲於輸役他山匱於
度材公命刮朽壤填巨石辦大木去編管其始
告勞乃終有慶匠石日減功萬歲史日省錢億
農始竟耒女始安織於是鮐背黃髮之老曰我
有田疇鍾秉其畝我有子弟顏閔其行鄉黨以
睦恂子失其獨道路有禮汰無與爭酒先養
老賄不問吏旣無吠犬亦無彘人臨年餘資幸
蒙惠化其曷以臻茲君子曰此天子至公內舉
不避親錫女明尹張公之力也公於國爲小

賦於帝外躬重紆累曰珥香鬋者七葉五年
駙馬乘朱輪者十人勝衣則綺襦紈袴通籍則
玉墀青瑣動則兩驂如舞坐則五鼎成列文軒
楚製素女趙舞而公儼兮其若容淡兮其無味
心在四教語稱七德目視六籍口誦九歌懷君
子令德之忠保詩人錫類之孝悌有過於共被
慈有踰於含食惡衣以居公服不敢降也屈體
下士王綱不敢替也協二姓之好以正人倫旁
無嬖御分一人之憂以審官政下多英傑若夫
皇帝敬問之詔御札自書天王命賜之衣上宮

所製勞勤則中使接武計議則走馬來朝豈唯
衆臣重其經術爲吏雜以儒雅而已且公之升
聞于天非一朝一夕之漸也亦所以稱職於累
官著聲於所在其丞祕書也闕文遺簡多在大
家深爲子孫之藏密有緘滕之固公不憚權貴
或抵或誘畫歸天閣官書備焉其牧郢也人有
不若德戮之不爲暴人有不保居撫之不爲誦
存者考其事壯其食以畜之行者緝其宮藝其
樹以待之此邦之人旣優他邦之人又重焉未
盈一歲丞曾撫其守分也乃歲大旱郢司

推跡屢舞僊仙靈府天才奇身靈正氣
 樹寘薪釀酒而祝曰有功於人祀為明神無德
 而祿禍亦覆餗自絳已來人實祀子純犧大璧
 不敢愛必以薦也童兒季女不敢黷必敬也神
 既靡咎人將安仰若亭午而雨則樹其鷺羽執
 此駢毛不然者火燎將至炊天鑠地靈衣且為
 煨燼豐屋將為茂草爾其圖之言未畢而雲興
 拜未起而雨降周於闔境不入他郡雖封疆咫
 尺而彼竭我盈嘻若記能事載盛德渭川之竹
 不足簡終南之木不足軸夫訓人至於禮義曰

德安人免於阽危曰功德者上賞於上下頌於
下長老孜孜願刊于石以予學於舊史來即我
謀且維與人編戶與人爲伍與人出入與人言
語知風俗之淳弊識政化之源本屬詞媿文書
事蓋實詞曰五代相韓七葉侍漢及我聖朝亦
生邦翰大道無形貞蠱以幹含章不耀在割能
斷情僞萬端吾道一貫帝選賢尹無以易張金
印紫綬京兆之良佩我鳴玉冠我兩梁天子休
命拜手以將寬而愛人立滅暴強明明天子哀
比南畝野息西八遠詞用言我我我我我我我

守茫茫三秦則...
曰外弟視人不佻何以寵之手書以詔何以問
之賜衣而朝俾人華胥致君帝堯刻石作頌永
世彌昭

魏郡太守河北採訪處置使上黨苗公

德政碑

并序

五方殊俗魏風婉而其人舒九土異宜冀田懷
而其賦錯前政有寬猛之異時令有班藝之差
非夫酌舊典於可行啓新圖於必當多方而不
失正一貫而或從權曲成更人大抵厚俗選衆

而舉非公而誰公先自吏部侍郎出爲安康郡
太守某載月日詔以公爲魏郡太守河北道採
訪處置使公諱某字郡縣人也其出處本末奕
世冠冕國史家牒詳焉凡邦伯到官詔使按部
或閉閣思政或下車作威或劾吏爲明或移書
示禁公異於是可畧而言公素號鮮明積有治
行宿訟不決之務餘地割分疑獄自誣之枉容
光立照故陋其思政也安全長吏不逐老丞成
就諸生光教小史導德齊禮有耻且格故鄙其
作威也謝亭長問勞嗚次之負吏

明人不隱其毫毫故無事効吏也列郡三職三
節銷其過求諸曹報簿直筆破其污抵故不待
移書也山東古之七雄河北有其四國地方數
千里人蓋億萬計獻子三歎之饋滋無舊德平
原十日之飲顧有遺風朱亥袖鎚豪雄扼腕曹
王拂局輕薄爲心奢泰擬都護之堂遲緩學邯
鄲之步公抑末技而敦本斥浮食以歸業督課
入政擇良吏以遣行講求六籍置學官於便坐
於是橫經左塾力穡先疇盡業農桑大興庠序
家知禮義更式段子之廬戶有京坻增修史起

之貌。輦臺歌舞成市。鄴郡帝王舊都。袷服靚粧。
挾筑怙屣。淇上留客。河間數錢。公課其組紆之。
庸。開其婚嫁之節。冶容絕四方之袖。織室致五
匹之工。刑於上官。訓及處子。鄭聲衛樂。共棄師。
襄趙帶燕裾。思齊漆室。漁陽騎客。奏報本朝。鯁
海樓船。連漕絕域。郊迎館給。不敢。其芻蕘水
路。陸衢盡若。安於枕席。某載月日。詔賜紫袍玉
帶。金魚袋衣若干。副方伯十。聯賴其澄清之轡。
天子七命。賜以安吉之衣。緹油屏車。璽書增秩。
未是過也。勝殘。化既成。觀俗之風。允。憂。

無事學宦思歸况乎母之手近石髮身之
 表請拜掃有詔許焉預約守宰幸無偵候至郡
 則投刺上謁至邑則捨車而徒展禮先塋推心
 泣血迴趨長老稽顙緒言宗人族姻姑黨姪行
 覲以重幣筐篚徧於里閭享有加牢牛酒溢于
 衢陌朱軒駟馬耀於衡門紫綬雙龜出入編戶
 蘇公佩印始歸鄉里盡歡䟽傳散金不與子孫
 為計迨乎將去仍以餘資一里置社備養生送
 死之具一鄉置校開闢禮敦詩之本相如衣錦
 且飛大漢檄書買臣懷紱不德長安廐吏故使

不法惟

惟

惟

惟

惟

惟

惟

惟

置之則大廢邦典於是喻以禍福告之語言昔
有不愛趙城將蹈滄海既尊漢室願遂赤松功
成不居道家所避至於析珪分組跨壤連州懷
四術而自疑見九重而失望或冤家上變司敗
受辭朝享膏梁寧知獄吏暮成菹醢遍賜諸侯
難恃白馬之盟徒思黃犬之樂彫牆峻宇萬乘
紫衣狐裘一朝而數三罪雖嫵絳
灌等列不逾梁楚爲墟於是翕肩振驚折節度
教杜門謝絕賓客終身不紊紀綱以寬服人實

在有德厥有挾左道飛訛言南國青珠之符東
海赤刀之術分風送客割水飲人僞辯而納之
於邪善誘而濟之以惡戶外多保汝之屨恐爲
亂堦門前無長者之車知其惑衆公奉誅首惡
悉宥面從丕蔽要囚惟長折獄議事以制不徵
於書副至仁之納隍用輕典於平國刑期不濫
人乃大安秦
計功天下小察責吏以實則舉
其不矜欲人自新則貫其宿負官以德舉政以
禮成至於賞善勸能正源端本齊風變魯益以
悉禮名需晉益奔秦
侯多殊

則唯恐屏後疇庸命則毅
 奉宣明王之詔問其理狀對用議曹之言邦家
 之光其斯謂矣年若干秀才擢第應制舉第若
 干等授某官歷某官若夫明眸白哲玉潤珠耀
 美秀備於儀形風流發於言笑行之方也留如
 守司智之圓也速若發括量包群有思入無間
 壞壁古文曲臺遺禮准王九師之易漢氏三家
 之詩傳僻書淫鷹揚學府比文園入室之武同
 丞相登科之策奏甚平讞詩窮綺靡硯燔紙貴
 虎視詞林嘗奉和聖製雨中春望詩云雨後山

川光正發雲端花柳意無窮又奉和行幸詩云
接仗風雲動迎軍鳥獸舞時人以爲鮑參軍謝
吏部爲更生曰某年月日詔除公河東太守兼
採訪使官吏百姓等或守闕乞留或遮道更借
淚增時雨思結仁風親愛之深諱名而號爲父
歌詠不足取性以命其兒公旣去官多歷年所
人思愈甚共立生祠異邑居而瓦合無契約而
磨至恐不預於聚財懼不任乎輸力棠樹勿翦
何如審像圖形桐鄉置祠豈比耳聞身及以此
觀德可惠之深仍建碑立於祠宇

前後臣輩永綴詞之年爲公德之文維也

老農不知舊史衆心所至難抑與於興人子病
未能不獲已於求我乃爲頌曰禹別九州漢分
八使寔惟方伯且曰連帥建節乘輶觀風察吏
山東河北全趙大魏授方任能惟名與器蓋非
其才孰享斯位天子命我導揚皇風敬教勸學
通商惠工法去太甚政貴得中守丞老病小吏
童蒙督郵不遂博士成功遂安賢者大啓儒宮
四國之餘一都之會平原舊俗信陵遺態博塞
以遊椎埋爲害叢臺淇水燕裾趙帶淳化旁屬

貞風傲載劈續卷綃橫經乘耒清節峻邈碩量
弘深投書置水酌酒捐金樹德滋蔓持刑不滯
訛言免坐倨貴懷音繡衣罷斧墨綬停琴旣此
時雨當聞作霖申哀松栢展敬桑梓伏謁公門
徒行故里推心馬鬣啓顙鯢齒身紆紫綬禮及
童穉帝賜黃金盡於筐篚社養宗人學招邑子
能事具舉令問允穆璽書改印緹油轉轂壁挂
胡牀舍留官牘人吏老幼涕泗號哭頌德豐碑
圖形華屋閱實數美移晷更僕

故石豹韜術
易州刺史任

道碑 并序

君諱某字某其先奚仲之後於周爲上卿世有功列於諸侯氏則任鬱爲著族後有官於京兆者子孫因家焉今爲萬年縣人也遠祖某漢河東太守曾祖某周清河太守先復舊職異世而同符祖某隋梁州南鄭縣令父某皇石州離石縣令不墜象賢一門而二鳧焉皆爲政以德遺愛在人能高其門必有興者雖不當代果生達人君離石府君之第某子也膺一賢之期鍾累葉之善忠孝自得稟乎天姿詩禮輔成潤以庭

訓文含四始雕虫之技附庸武有七德啼猿之
術居外明經者皓首弱歲成儒達法者腐脣端
居曉吏以鄉貢明經擢第解褐益州新都尉居
無何丁母憂廬以長號淚少於血杖而後起骨
餘於形彈琴不成從先王之禮捧筐便慟有終
身之哀服闕授左金吾衛兵曹參軍轉左衛錄
事參軍又遷右豹韜衛長史王樂爲用率武夫
以扞城人愛其才稱君子之爲衛方將冠章甫
之冠衣縫掖之衣奏議雲臺論政赤墀一見天
子必爲之前席三先人臣公爲之解行苦也

以和六合盡宇心方帝庭授鉞畫戎入壘下傳
首於魏闕然後挂冠東郡拂衣五湖高蹈煙虹
笑謝珪組天命不祐沮我良策春秋若干以某
年月日寢疾卒於永興里第某年月日葬於京
兆神和原禮也嗣子曰某善繼先志克成厥家
多藝多才實英實選匪實寶十城之價不以
力聞萬夫之敵命同御座漢帝以恩待故人超
將中軍先軫以才登元帥以某年月日從駕謁
五陵天子若曰自古明王因心以孝待人由已
以施物故休戚共憂樂同也其贈羽林將軍任

某父使持節丹州諸軍事丹州刺史敬其事則
命以始寵其身以及其親明主所以盡心忠臣
所以盡力故羊舌職悅是賞也陳力異代官成
聖朝修文下泉名在天爵前賢陰德雖貽慶於
後昆胤子揚名乃大顯於先父養則致樂沒而
有稱昔也爲士享唯將軍之食今則典邦葬亦
諸侯之禮皇帝命之太史書之報昊天之恩曾
舉世未有豈與夫手樹行櫜躬廬長松負土成
墳傭身以葬匹夫之孝同年而語哉君少有大
畧長而能賢安於二喪於善厚上以念乎守以

愚視是所及筆硯盈及力文也容膝之夕
書滿屋其嗜學也八體之能右軍曾未知翰五
弦之妙中散何擅於琴以禮庇身以清守官惟
邦之彥惟國之翰夫人河東裴氏始以其爲光
祿也封河東郡君及是又贈河東郡太君子之
忠由母之教母以子貴不亦宜乎司文者執簡
以往刊石旌德其詞曰薛侯之裔兮代濟其美
不殞其名是生碩德兮爲世作程忠不祐孝不
福兮早謝休名身爲士兮子爲卿文將羽林兮
統天兵天子寵兮爲崇榮贈我武符兮賜我專

城青松寂寂兮晝無人聲狗不吠兮雞不鳴蒼
茫千古兮孰云旌賴孝子兮揚音英

大唐故臨汝郡太守贈秘書監京兆韋

公神道碑銘

并序

坑七族而不顧赴五鼎而如歸徇千載之名輕
一朝之命烈士之勇也隱身流涕獄急不見南
冠而繫遜詞以免北風忽起刎頸送君智士之
勇也種族其家則廢先君之嗣戮辱及室則累
天子之姻非苟免以全其生思得當有以報漢
棄身爲餌俛首入橐爲先以亂其謀佯愚以折

其僭謬安伺桓温之印帝董早之牙然後
吞藥自裁嘔血而死仁者之勇夫子爲之公諱
某字某京兆杜陵人也昔豕韋氏主盟於商後
扶陽侯重世相漢高祖某官父某某官並勲德
茂著史諫詳焉公即文貞公之仲子也初以宰
相子弁髦署吏抱拜授封加朝散大夫封平樂
郡公累拜某官丁父貞公憂又丁某國夫人憂
無容顧禮殆不勝喪終身之痛歷稔猶毀幼無
童心長積純氣抱其天素立于人紀先聖微言
宿儒未辨貫穿精義揔括旁說文言蔚於輿表

筆態夭於力外子虛上林敢云雄似黃庭圖扇
方議鴈行鶴氅之姿羊車奪映會選公壻詔婚
王室天家焜燿獨任素風時論騰踴宜在右職
乃拜中書舍人動朔風之詠啓迪古詩下流水
之書敦崇雅誥轉太常少卿六宗九奏悉具其
儀天神地祇可得而禮俄入覲累貶巴陵太守
稍遷壽春太守又遷臨汝太守其理務教訓其
政尚寬簡謂其叙在六官又踐三事疇咨帝載
必歌九功之德式和人則必復三代之英天子
避其可親奸臣惡其異

一馮衍竟受易准不遷

抑古人而有之何夫子之命世也
堯之犬驅彼六騾憑武之狐猶威百獸藉天子
之寵稱天子之官徵天子之兵逆天子之命始
反幽薊稍逼溫洛云誅君側尚惑人心列郡無
備百司安堵變折衝爲賊矣兼法令而盜之將
逃者已落彀中謝病者先之死地密布羅網遙
施陷穽舉足便跌奮飛即挂智不能自謀勇無
所致力賊使其騎劫之以兵署之以職以孥爲
質遣吏挾行公潰其腹心候其間隙義覆元惡
以雪大耻嗚呼上京旣駭法駕大遷天地不仁

穀洛方鬪鑿齒入國磨牙食人君子爲投檻之
援小臣若喪家之狗僞疾將遁以猜見囚勺飲
不入者一旬穢溺不離者十月白刃臨者四至
赤捧守者五人刀環築口戟枝入頸縛送賊庭
實賴天幸上帝不降罪疾逆賊恫瘝在身無瑕
戮人自憂爲厲公哀予微節私予以誠推食飯
我致館休我畢今日歡泣數行下示予佩珙斫
手長吁座客更衣附耳而語指其心曰積憤攻
中流痛成疾恨不見戮專車之骨梟枕鼓之頭
焚骸四鬻然擠三日見子而屯知余生心之明

日而卒其年月日給方洛陽某之身以某
日返葬於某原禮也皇帝中興悲憐其意下詔
褒美贈秘書監天下之人謂之賞不失德矣公
敦穆孝友明允篤誠高居化源濡跡物軌元昆
曰陟伯與仲居愛之欲無方視之若不足薄其
私而厚其室抑謙已而讓其名故有靈芝聳蓋
嘉木連理時人以爲孝悌之祥而公昆季謙而
不以聞也維穉弱之契晚年彌篤吾實知之能
言老乃爲銘曰銘云

王摩詰集卷第九

王摩詰文集卷第十

碑墓誌

大唐大安國寺故大德淨覺

禪師

碑銘

序

光宅真空心王之四履建功無旱法將之萬勝
故大塊群籟無絃出法化之聲恒沙衆形爲寶
巖之色至和六師兆亂四諦祖征開甘露狹小
之門出臭煙朽故之宅踞寶牀而搖白拂徐誘
草菴沃金瓶而繫素繒遂登蓮座足使天口雄
辨刮語燒書河目大儒培仁擊義斯爲究竟孰
不歸依禪師法名淨覺俗生韋氏 奉口三帝

人之弟也中宗之時後宮凡事多詰寢盈王才
潛移戚里之親同分珪組屬籍之外亦縮銀黃
况乎天倫將議封拜促尚方令鑄印命尚書使
備策詰朝而五土開國信宿而駟馬朝天禪師
嘆曰昔我太師尚以菩提釋位今我小子欲以
恩澤爲侯仁遠乎哉行之即是裂裳裹足以宵
遁乞食餬口以兼行入太行山削髮受具尋某
禪師故蘭若居焉猛虎舐足毒蛇燻體山神獻
果天女散花澹爾宴安曾無喜懼先有涸泉枯
栢至是布葉跳波東魏神泉應焚香而忽湧北

天衆果候飛錫而還生禪枝必復之徵法水再
興之象聞東京有願大師乃脫屨戶前摳衣座
下天資義性半字敵於多聞宿植聖胎一瞬超
於累劫九次第定乘風雲而不留三解脫門揭
日月而常照雪山童子不顧芭蕉之身雲地比
丘欲成甘蔗之種大師委運遂廣化緣海澄而
龍額珠明雷震而象牙花發外家公主長跪獻
衣薦紳先生却行擁篲乞言於無說請益於又
損天池杯水遍含秋月之輝草葉樹根皆霑宿
雨之潤不窺世典門人與宣父中分不受人

廩食與封君相比至於律儀細行由才護持
典深宗毫釐剖折窮其二翼即入佛乘趣得一
毛亦成僧寶於是同凡現疾處順將終忽謂衆
人有疑皆問我於是夜當入無餘開口萬言音
和水馬躡身七樹光映天人如暫出行泯然跌
坐以某載月日歸大寂滅某月日遷神於少陵
原赤谷蘭若香油細氎用以茶毗合璧連珠爲
之葬具城門至於谷口幡蓋相連法侶之與都
人縞素相半叩膺拔髮灑水盆塵升堂入室之
徒數喻七十破山澗海之哭聲振三千則有僧

某乙尼某乙故惠莊某氏某郡主賢者某乙等
各在衆中爲共上首或行如白雪或名亞紅蓮
或爲勝鬘夫人或是毗邪居士二空法外何處
進求七覺分中誰當決釋猶依舍利巽獲菩提
身塔不出虎溪淚碑有同羊祜表心成相相非
離於真如叙德以言言豈著於文字乃爲銘曰
小三千界後五百年空乘玉牒莫覩余仙無量
義處如來之禪皆同日論誰契心傳其弟在人
間姊歸鳳闕去日留訓別時剪髮累賜金錢將
加印綬忽爾宵遁終然兩絕其救頭學道畏足

尋師一花寶樹八水香池戒生忍草勿去衣
不疑少父更似嬰兒其既立勝蟠併摧邪網利
眼金翅圓身寶掌巧撮死龍能調老象魔種敗
壞聖胎長養其四生滅度五陰虛空無說無意
非異非同此身何處彼岸成功當觀水月莫怨
松風其

能禪師碑并序

無有可捨是達有源無空可住是知空本離寂
非動乘化用常在百法而無得周萬物而不殆
鼓柁海師不知菩提之行散花天女能變聲聞

之身則知法本不生因心起見見而可取法則
常如世之至人有證於此得無漏不盡漏度有
爲非無爲者其惟我曹溪禪師俗姓盧氏某郡
某縣人也名是虛假不生族姓之家法無中邊
不居華夏之地善習長於兒戲利根發於童心
不私其身臭味於耕桑之侶苟行其道羶行於
蠻貊之鄉年若干事黃梅忍大師願竭其力即
安於井曰素剗其心獲悟於稊稗每大師登座
學衆盈庭中有三乘之根共聽一音之法禪師
默然受教曾不起予退省其私廻超無我

猷懷渴鹿之想尚永飛鳥之函香飯未消弊
仍覆皆曰升堂入室測海扇天謂得黃帝之珠
堪受法王之印大師心知獨得謙而不鳴回何
言哉聖與仁豈敢子曰賜也吾與汝弗如臨終
遂密授以祖師袈娑而謂之曰物忌獨賢人惡
出已吾且死矣汝其行乎禪師遂懷寶迷邦銷
聲異域衆生爲淨土雜居止於編人卅事是度
門混農商於勞侶如此積十六載南海有印宗
法師講涅槃經禪師聽於座下因問大義質以
真乘旣不能酬翻從請益乃歎曰化身菩薩在

此色身肉眼凡大願開惠眼遂領其屬盡詣禪
居奉爲挂衣親自削髮於是大興法雨普灑客
塵乃教人以忍曰忍者無生方得無我始成於
初發心以爲教 首至於定無所入慧無所

依大身過於十方本覺超於三世根塵不滅非
色滅空行願無成即凡成聖舉足下足長在道
場是心是情同歸性海商人告倦自息化城窮
子無疑直開寶藏其有不植德本難入頓門未
繫空花之狂曾非息日之咎常歎曰七寶布施
等恒河沙億劫修行盡大地墨不如無爲之蓮

無礙之慈弘濟四大生府三有旣而道德遍界
名聲普聞泉舘卉服之人去聖歷劫途身穿耳
之國航海窮年皆願拭目於龍象之姿忘身於
鯨鯢之口駢立於戶外趺坐於牀前林是旃檀
更無雜樹花惟簷蔔不嗅餘香皆以實歸多離
妄執九重延想萬里馳誠思布髮以奉迎願叉
手而作禮則天太后孝和皇帝並勅書勸諭徵
赴京城禪師子牟之心敢忘鳳闕遠公之足不
過虎溪固以此辭竟不奉詔遂送百衲袈娑及
錢帛等供養天王厚禮獻玉衣於幼人女后宿

因施金錢於化佛尚德貴物異代同符至某載
月日中忽謂門人曰吾將行矣俄而異香滿室
白虹屬地飯食訖而敷坐沐浴畢而更衣禪指
不留水流燈焰金身永謝薪盡火滅山崩川竭
鳥哭猿啼諸人唱言人無眼目列郡慟哭世且
空虛某月日遷神於曹溪安座於其所擇吉祥
之地不待青鳥變功德之林皆成白鶴嗚呼大
師至性淳一天姿貞素百福成相衆妙會心經
行宴息皆在正受談笑語言曾無戲論故能五
天重跡百越稽首修蛇雄虺毒螫之氣銷跡及

寧弓猜悍之風變畋漁米器非多和菴
腥効桑門之食悉棄罟網襲稻田之衣永惟浮
圖之法實助皇王之化弟子曰神會遇師於晚
景聞道於長年廣量出於凡心利智踰於宿學
雖未後供樂最上乘先師所明有類獻珠之願
世人未識猶多抱玉之悲謂余知道以頌見託
偈曰五蘊本空六塵非有衆生倒計不知正受
蓮花承足楊枝生肘苟離身心孰爲休咎其至
人達觀與佛齊功無心捨有何處依空不着三
界徒勞八風以茲利智遂與宗通其悠彼偏方

孤在誰兒其神獨不偶家頌上分教

見周孔書曰世教耳誓苦行求佛道入山林割

肉施鳥獸鍊指燒臂入般舟道場百日晝夜經

行遇五臺寶鑑禪師曰吾周行天下未有如爾

可教遂密授頓教得解脫知見舍空不域即動

無朕不觀攝見順有離覺毛端族舉佛刹掌上

斷置世界不覩非咎應度方知得其門者寡故

道俗之煩而息化城指盡謂窮性海而已焉足

知恒沙德用法界真有哉春秋五十二夏以大

唐開天二十七年五月二十三日入般涅槃於

薦福僧坊門人明空等建塔於長安城南畢原
人天會葬涕泗如雨禪師之不可得法如此其
世行遺教如一切賢聖維十年座下俯伏受教
欲以毫末度量虛空無有是處誌其舍利所在
而已銘曰嗚呼人天尊全身舍利在畢原

工部楊尚書夫人贈太原郡夫人京兆

王氏墓誌銘

并序

夫人諱某京兆霸城人也晉出三家公子尊於
魏國秦亡六國時人謂之王家河南則分虎臨
人華套則老熊當道高祖德真皇三義不且

思京兆府三原縣令父潛河南
名之後重光不替夫人令儀淑德發於天姿閑
禮明詩傳乎世業言成女誠可著於縑緗行爲
女師詎資於行待豈止彈琴吐論誦賦吟詩而
已及乎有行嬪于君子事姑至孝旁穆六姻爲
母深慈均養七子男以無雙令德降帝子於鳳
樓女則第一解空歸法王之象教閨門之訓朝
野稱多旣而家列公侯地連妃主珠翠滿座不
御采衣方丈盈前唯甘素食同德大師大照和
尚觀如來之奧昭群有之源夫人一入空門便

蒙法印牛車紺懣無復餘乘龍藏寶經悉通至
義惠用圓滿誠力堅嚴藥藉如葷雖愈疾而不
心已久淨縱設齒而常安以某年月日奄歸
大寂於長興里之私第厥初寢疾彌曠旬時駢
馬上人柴毀骨立揮淚嘗藥身不解衣泣血持
經手不釋卷晝夜懣悔非止六時身命供養寧
唯七寶御醫繼踵中使重跡竟兮不及空焚外
國之香生也有涯非無上天之樂某月日有詔
追贈太原郡夫人襄城石窳增寵其榮名翟第
魚軒空悲於象設以某月日安厝于某不豐也

功德之至散花天女不留釋梵之筵勝夫人

何在嗚呼哀哉乃為銘曰天生淑德實俾宜家

特能柔順深棄嬌奢詎離環珮不御鉛華其婦

道允諧母儀俱美每出誠夫停食訓子賦掩西

征書教內史其門容高憲庭列長筵男乘翠鳳

女比紅蓮繁華貴里寂寞安禪其食必簞笥衣

無重采已庶愛河長游法海石鳥虛封玉顏如

在其繁霜密雪碎菊摧蘭山花喜靜 春寒

平原松栢誰忍迴看其

唐故京兆尹長山公韓府君墓誌銘序

嗚呼謂天未喪斯文宣尼去魯而無祿謂天果
輔有德樂毅辭燕而不歸夫子處順而終穆伯
猶毀以請飾棺置境返葬於周公諱某字某本
出昌黎今爲京兆人也其先或方一袞赤舄介
圭覲王朱英綠縢執訊擒敵周末謂侯相王始
啓宜陽漢初功臣定封亦荒岱郡曾祖某某官
某乙祖某隱居不仕父某御史大夫太子賓客
封長山公遁世者名高善卷黔婁事君者位至
倪寬卜式公即長山府君之長子也神言有公
侯之徵兒戲陳俎豆之法學成孫叔狀頌各孫

工若干應文以經國舉甲科試右拾遺天禧際
校文獻子雲之賦句馬生驟諫稱公高之官拜
監察御史兵部員外郎埋輪憲府奏記劾夫將
軍賜筆禮闈董戎從小司馬轉度支郎中除給
事中度錢穀之盈虛以均九賦執制詔之可否
以辨五書置王令於水源豐國財於天府尋知
吏部選事興廢繼絕不遏前人之光選賢授能
必當庶尹之任旌乎淑慝御以清通除許州刺
史荊州大都督府長史山南採訪使坐南陽令
貶洪州都督遷蒲州刺史所履之官政皆尤異

黜陟使奏課第一徵爲京兆尹外家公主敢縱
蒼頭廬兒黜吏惡少自擒赭衣偷長恥用鈎距
得情好以春秋輔義奏事盡成律令爲吏飾以
文儒上悅其純方委以政頃坐營谷口別業貶
高平太守又坐長安令有罪貶吳興郡別駕諸
葛田園未啓明主華陰傾巧卒敗名儒天寶九
載六月二十一日寢疾薨於官舍享年六十有
五暨國家推五運之紀接千歲之統開釋天地
與之更始宥萬方之未招蘇叙百官之喪職秩
苟有位者咸得預焉而公泯然不見及也虛蒙

大賴重以爲衣夫人河東柳氏父某某官言如
齊侯實惟宋子人傳人之禮家有大家之書以
開元五年六月五日先公而卒至是以天寶十
載十月二十四日合祔陪於藍白鹿原長山公
先塋禮也長子曰某官居憂而卒次子某嗣子
其前殿中侍御史貶晉陵郡司戶次子某等倚
廬野次方銜枕塊之哀輿襯歸來尚抱長沙之
譴公子之輸力王室公之紀勲太常言於國竭
情無私理於家陳信無愧降年不永非命而何
誌則有由或題季子之墓宅不改卜素有滕公

之銘銘曰帝周發之苗裔兮受介圭以建侯中
裂土以分晉又王韓兮臣既有此內美幼忠信
兮爲乘登麒麟兮刪白虎冠獬豸兮奮蒼鷹朝
含香兮禮闈夕青瑣兮黃扉方天公兮密啓建
出牧兮高麾俄入守兮京兆賜黃金兮披皂衣
捐余珮兮江中隱思君兮不可窮歌泰山兮不
返夢濟洹兮遂空素車兮逶遲宛鄉關兮故待
望國門兮不入到秦山兮不知瞻舊域兮松楸
平原夕兮素滻愁魂兮歸來江南不可以久留

唐故潞州刺史王府君夫人榮國夫人

墓誌銘 并序

夫人姓盧氏范陽人也昔堯命伯夷典秩宗號
太常爲尚父桓襄之際公子食盧卯金故人王
於大國越石從事官至中郎曾祖士會隋行臺
侍御史祖某皇朝奉禮郎父某豪淄邛等三州
刺史持斧衣繡威加不法真玉瘞帛舉無違禮
守臨淄而齊兒不詐去臨邛而蜀物盡留夫人
即府君之長女積累世之德鍾二門之美儀表
秀整進止詳閑不咨保傅動由詩禮旣以士族
冠時遂歸齊大之偶入持門戶內事舅姑枕席

溫清於堂上環珮逶迤於堂下不脫簪珥親當
澣濯玄纁可實於筐篚粢盛可獻於宗廟魚軒
或駕翟茀而朝衆婦於是修容夫人專之以禮
克贊君子累至大官雅政清德實多左右潞州
早世深秉義方母儀可則庭訓不替女史之學
多讚大家之書衆婦之儀畫稟夫人之法天與
盛德不降永年以某月日寢疾薨於長安善和
里享年若干以某月日合祔某山原禮也子某
某官淳孝之性泣血待盡永惟令德固不可泯
彰示後人乃列于石銘曰有姜之後或邑於廬

歷代種德示有稱孤從事文府振轡長途廿一憲

府持法奉常秉禮皇考專城腰章郡邸厚德重

跡深仁繼體其二降生哲人其行惟惇儀刑衆庶

門冠諸姻齊姜宋子敢望清塵其三君子之貳實

聞高義乃躬澣濯先晨簪珥穆及外親敬是中

饋其四母儀既峻庭訓載揚子以才貴煌煌寵章

馳暉難駐令問空長其五壽宮既啓高堂永寂千

秋萬古山川松柏紀德誌行唯茲貞石其六

汧陽郡太守王公夫人安喜縣君成氏

墓誌銘 并序

夫人字某某郡人也其先周成王之後古之錫
姓命氏或以先父之職官或因始祖之名謚漢
魏以降史牒詳焉曾祖休寧某官祖某某官襲
封常山公貳公執帛調護儲闈九伯剖符典司
方岳漢雄左輔實拜翁歸周命僕臣惟茲伯罔
夫人即太僕府君之第二女也世有明訓家無
遺德蕙心紉質豈曰師成螭首蛾眉抑惟天與
同雲降雪常聞柳絮之詩獻歲發春即賦椒花
之頌言事姑舅宜其家室寢門纔闢筭六珈而
問安擊鍾未晞具八簋而獻饋染朱與綠不愆

公子之衣采藻及蘋有甚季姜之祭魚軒翟第
爲諸侯之夫人鳴佩垂環對有國之君子綺䟽
寓目助選賢人青帳藩身用酬高論善持門戶
能睦族姻誠良人之從畋不嘗原獸訓愛子之
爲政遂返池魚言成大家之書行爲衆婦之法
至於彈琴製賦纂組攻書具舉百事之能仍居
四德之外嗚呼降年不永春秋五十以某載月
日薨於長安平康里之私第某月日祔于咸陽
洪瀆原之先塋禮也不獲偕老空傷奉倩之神
未始有生誰達莊周之理長子濡前某官次子

澄某官次曰某某官及女等連連泣血煢煢在
疚哀纏聖善痛七子之無依文叙塞淵異九原
之可識乃爲銘曰齊侯之子兮衛侯之妻膚如
凝脂兮手如柔荑奉初之嘉訓兮淑德日躋供
養兮姑舅簪珥問安兮先夜漏製三
具五獻兮邊豆翟茀兮錦衣駕魚軒兮來歸從
如雲兮滿中闈忽形沉兮影絕夫傷神兮子泣
血悲餘澤兮猶在怨迴紋兮未滅返葬兮咸陽
寒天暮兮渭水長嗟梧桐兮半死無雙飛兮鳳

鳳

故任城縣尉裴府君墓誌銘

天寶二年正月十二日唐故魯郡任城縣尉河
東裴府君卒於西京新昌坊私第享年三十九
嗚呼哀哉君諱回字玉溫河東聞喜人也曾祖
弘春皇雍州錄事叅軍贈上黨長史祖思義皇
侍御史吏部員外左司郎中戶部吏部侍郎河
東郡太守晉城縣開國子父敷珍皇薛王府騎
曹叅軍自晉已降世爲冠族令德不替以至於
君夫其事親孝兄弟順與朋友信其從政公平
而壽不中年官才一命慈母在堂諸弟未仕兒

未有識女且嬰孩妻天於前身歿於後天可問
邪其若老親何其若季仲謹孤何生人之悲莫
甚於是家貧祭以棗脯驗以時服以某月日祔
葬於鳳樓原先府君之塋嗚呼有河東裴子之
墓誌之蓋古有之繼後之知者亦何有哉銘曰
一死萬紀終天不復爲之奈何哀哀慟哭覆載
至廣度類繁育萬物方春而就于木茫昧何之

山川陵谷



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

